

洪北江（亮吉）先生遺集（五）



清・光緒三年授經堂重刊本影印


洪北江（亮吉）先生遺集（十五）
清・洪用懃等編撰

華文書局股份有限公司印行

山東全圖 統計十府二直隸州

夏津	州府	日照	陰沂水	河濱州	青城	青州府	城朝城	東平州	肥城	平原	德平	濟南府
膠州	掖	平度	登州府	利津	壽光	益都	觀	東阿	新泰	萊蕪	滋陽	歷城
高密	陽	蓬萊	霑	海豐	昌樂	博山	東昌府	平陰	萊蕪	嶧	曲阜	章丘
即墨	寧海州	黃	即墨	蒲臺	樂陵	臨淄	冠	堂邑	曹州府	汶上	寧陽	鄒平
濟甯州	文登	福山	濟甯州	福山	商	博興	館陶	博平	鄆城	荷澤	陽穀	淄川
金鄉	棲霞	文登	金鄉	棲霞	沂州府	安丘	恩	博平	鄆城	單	鄆	長山
魚臺	嘉	招遠	魚臺	嘉	費	諸城	高苑	茌平	曹	壽張	泗水	長清
臨清州	榮成	莒州	臨清州	榮成	莒州	樂	武定府	清平	定陶	武	泰安府	新城
武城	萊	萊	武城	萊	萊	惠民	惠民	濮	野	安	秦	齊河





山東境衆水歸合表

濟水 濰水 淄水 淄水 巨洋水 之果水 黑水 淮涉水 掖水 丹水 白狼水 膠水 根艾水 五龍山水 溉水

大沽河 小沽河 膠萊新河 篤馬河 堯河 鉤盤河

賈魯河

海

黃河

運河

泗水 沭水 鄒水 沂水 汶水 汴水 運河 衛河 清水河 濰水 關廬水 石派水 留水 玉水 狼水 減水河 七里河

濟水 濰水 汶水 沂水 今名大清 今名小清河

歷水 巨合水 龍水 時水

牟汶 羸汶 柴汶 北汶水 小汶水 泰山溜水 蛇水 涵水

治水 洙水 泗水

乾隆府廳州縣圖志卷十四

賜進士及第翰林院編修充 國史館纂修官 洪亮吉撰

山東布政使司

濟南府 衝繁難

原額人丁三十八萬二千零九
又滋生人丁三萬零一百六十六

禹貢青州之域周爲齊地秦屬齊郡漢初分置濟南郡文帝十
六年爲濟南國景帝二年國除爲郡後漢建武十五年復爲濟
南國三國屬魏晉曰濟南郡宋元嘉九年僑置冀州後魏皇興
三年改曰齊州隋開皇初郡廢大業初改爲齊郡唐武德元年
復曰齊州二年置總管府貞觀元年府罷七年又置都督府天
寶初改曰臨淄郡五年復曰齊郡乾元初復曰齊州屬河南道
宋初曰齊州濟南郡治平二年置興德軍節度政和六年升爲

濟南府屬京東東路金屬山東東路元爲濟南路明洪武初復曰濟南府九年爲山東布政使司治

本朝爲巡撫部院及布政使司按察使司治所鹽運使司督糧道分守濟東泰武臨道亦駐此

府境

東西距三百六十里
南北距二百八十里

八到

東至青州府臨淄縣界二百五十里
西至東昌府高唐州界一百四十里
南至泰安府泰安縣界一百四十里
北至武定府商河縣界一百四十里
東南至青州府博山縣界二百三十里
西南至東昌府茌平縣界一百三十里
東北至武定府惠民縣界一百八十里
西北至直隸河間府景州界三百里
自府治至京師八百里

土貢

絲 絹 綿 綾 葛 麻 米 粟 石 藥

管縣十五州一

歷城 章丘 鄒平 淄川 長山 新城 齊河 齊東 濟陽 禹城 臨邑 長清 陵 德州 德平

平原

歷城縣

衝繁難郭下

有寶濟錢局譚城龍山二驛盤水柳埠堰頭三鎮石固一寨主簿駐中公集巡檢駐龍山鎮

戰國齊歷下邑漢置歷城縣晉永嘉後爲濟南郡治

華不注山在縣東北春秋成公二年戰于鞍齊師敗績逐之三周華不注伏琛齊記不讀如跗又縣南五里有歷山縣以之名
灤水今名小清河源出縣西東逕章丘鄒平長山新城入青州府高苑界至博興合時水入海酈道元云灤水北爲大明湖今湖在縣西北隅周十餘里胡朏明云宋南渡後劉豫導灤水東行入濟水故道爲小清河又關盧水在縣東十五里入大清河

歷水亦在縣東入小清河聽水在縣東北今名響河

歷下故城在今縣治西漢東平陵故城在縣東七十五里臺縣故城在縣東北三十里肥鄉廢縣隋營城廢縣唐全節廢縣竝在縣東

巨里城在縣東亦曰巨合城譚國城在縣東春秋莊公十年齊師滅譚

商太甲冢劉昭稱皇覽曰太甲有冢在歷山上

章丘縣

繁疲難西至府一百十里

有普濟一鎮

漢置陽丘營二縣竝屬濟南郡後漢省陽丘劉宋又省營北齊天保七年徙置高唐縣于此隋開皇十六年改曰章丘屬齊郡唐武德二年屬譚州貞觀元年屬齊州宋景德三年置清平軍熙寧三年軍廢仍爲縣屬濟南府

東陵山在縣南十五里山南有盜跖冢故一名跖山又縣南二十八里有龍盤山

百脈水今名清河亦曰繡江在縣東一里酈道元云百脈水出土鼓縣故城西百泉俱出故謂之百脈水北注于濟又巨合水源出縣西南雞山至歷城縣注小清河楊渚溝水今名獺河在縣東北七里至新城縣界注孝婦河

楊丘故城在縣東南營縣故城在縣西北二十五里漢朝陽故城在縣西北獠縣故城在縣北隋亭山故城在縣西南又劉宋博平僑縣在縣東南三十五里今名博平鎮

崔氏城在縣西北二十五里左傳襄公二十七年齊崔成請老于崔卽此又甯戚城在縣東北樂安城在縣北漢元帝時匡衡所封

古賴亭在縣西北左傳哀公六年齊侯陽生使胡姬以安孺子如賴

鄒平縣

簡西至府一百六十五里

有孫家一鎮

漢置梁鄒鄒平二縣晉省宋武帝于故梁鄒縣僑置平原郡并領平原縣後魏曰東平原郡隋開皇初郡廢十八年改平原縣曰鄒平屬齊郡唐武德元年屬鄒州八年屬譚州貞觀元年屬淄州景龍元年分置濟陽縣元和十五年省濟陽宋景德元年移鄒平治濟陽廢縣元至元二年分屬濟南路

長白山在縣南二十里山東北屬長山西屬章丘南界淄川葛洪云長白泰山之副嶽繡江發源于此圖經以山中雲氣長白故名

魚子溝水在縣東七里今名白條溝河明實錄永樂九年浚鄒

平白條溝河三十餘里沙河在縣西一里東注孝婦河

縣故城在今縣北孫家鎮劉宋平原僑縣城在縣東十二里隋濟南故城在縣北

淄川縣

簡西少北至府二百二十里

漢置般陽縣晉太康後省宋武帝僑置清河郡元嘉五年并置貝丘縣屬焉後魏曰東清河郡北齊郡廢隋開皇十六年于貝丘縣置淄州十八年改縣曰淄川大業初州廢屬齊郡唐武德元年復置淄州天寶元年改曰淄川郡乾元元年復曰淄州屬河南道宋屬京東東路金屬山東東路元中統五年升淄州路總管府至元二年改淄萊路二十四年改曰般陽路明洪武初爲般陽府九年降爲淄川州屬濟南府十二年又降州爲縣原山在縣東南七十里接青州府益都界班固云萊蕪原山淄

水所出東至傅昌入涉幽州浸又夾谷山在縣西南三十里萌水出焉一名祝其左傳定公十年公會齊侯于祝其實夾谷翼山在縣東北十里德會水出焉班固云昌國德會水西北至西安入如水

瀧水在縣西一里一名孝婦河自青州府益都縣流入又東北逕長山新城入小清河般水在縣東南十五里萌水在縣西竝注瀧水德會水在縣東北北注時水

漢昌國故城在縣東北三十五里萊蕪故城在縣東南劉宋逢陵故城在縣西北土鼓故城在縣西

徐關在縣西左傳成公二年齊師敗于鞏齊侯自徐關入又十七年齊侯與國佐盟于徐關而復之

長山縣簡西至府一百九十里縣丞駐周村

漢置於陵縣爲濟南都尉治晉省宋武帝僑立武疆縣并置廣川郡北齊天保七年改爲東平原郡隋開皇初郡廢十八年改縣曰長山屬齊郡唐武德元年屬鄒州八年州廢屬淄州元屬般陽路明洪武十二年改屬濟南府

吳河卽古時水枝津在縣北泔河在縣南竝入瀧水

於陵故城在縣西南二十里又濟南故郡城魏王泰及章懷太子後漢書注竝云在長山縣西北二十五里按兩漢濟南郡竝治東平陵在今歷城縣距此尙遠不知泰等何據也

古于亭在縣西左傳昭公十年陳桓子召公子周與之夫子卽此

新城縣簡西南至府二百十六里

有索鎮張店二鎮

漢置高苑縣屬千乘郡晉爲樂安國治劉宋省元太宗時始以

長山縣之驛臺地置新城縣屬般陽路明洪武十二年改屬濟南府

商山在縣東南五十里跨益都臨淄縣界亦名鐵山慕容德載記立治于商山置鹽官于烏常澤以廣軍國之用魏書崔亮言南青州苑燭山齊州商山竝是往昔銅官舊跡見在竝宜開鑄又四角山在縣東南四十五里元置廣興商山二冶于此

時水在縣東三十里亦名邲水俗名烏河自青州府臨淄縣流入北至高苑入小清河班固云如水西北至梁鄒入沛

高苑故城在縣東十二里漢延鄉故城在縣東平安故城在縣東北四十里

齊河縣

衝繁難東至府四十里

有晏城一驛劉宏一鎮

春秋祝阿地漢爲祝阿縣地唐爲禹城縣地宋置耿濟鎮仍屬

禹城金大定八年始分置齊河縣元至元二年改屬德州明初還屬濟南府

玉水在縣東里許源自太山北諸溪水合而成流北入濟又古瓠子河在縣西十里水經瓠子河自荏平縣瓠里渠又東北過祝阿縣爲濟渠圖說宋時名熙河今湮

古野井亭在縣東濟河北岸春秋昭公二十五年齊侯唁公于野井

齊東縣

疲難西南至府一百五十里

有臨河一鎮

漢鄒平朝陽二縣地唐宋爲鄒平縣地金置齊東鎮元憲宗二年始改鎮置縣屬河間路三年屬濟南路至元二年還屬河間明洪武初仍屬濟南府

減水河在縣東二里明成化元年開濬南引章丘之白雲湖流